

---

 HIST. ZARINGO-BADENSIS. 69
 

---

Zell, den Buwhof zu Friesenheim vñnd die Matt genant das Erlach bey Schittern gelegen, mit allen Zugehorden, wie die von weilunt Diebolten vñnd Gangolfen, Herren zu Hochengerolltzegek Khauffweise an obbenannten Marggrafe Cristoffen khommen feint, vñnd andre Herrschafften, alles mit Stetten, Schlossen, Marckhten, Dörffern, wie sy die haben vñnd gelegen sein, auch das Dorff Stutzheim inn Strasburger Bistumb gelegen, mit allen iren Rechten, Nutzen vñnd Zugehörungen, Freyheiten, Gnaden, Herrlicheiten, Zollen, Gleitten, Vnngelkten, Guldin Müntzen, die vñnfer vñnd des Reichs Churfürten Müntz gleichmefsig gemacht werden sollen, auch Silberin Müntz, Jarneffen, Lanndgerichten vñnd andern Gerichten, guten Gewonhaiten, Besitzungen, Eigenschafften, Landen vñnd Leuthen. Closter, Voggteyen, Mannen vñnd Mannschafften, Lehen vñnd Lehenschafften, Gaiftlichen vñnd Weltlichen, Zwingen vñnd Pennen, Khreifen, Wellden, Holtzern, Boschen, Velden, Waiden, Waffern, Wafferleuffen, Vifcheryen, Gejayden, Wiltspennen, Berckhwerckhen, Zünnsen, Güllten vñnd allen Pfanntschafften, Ambten vñnd anders, so weilent Iren Vorelltern von weilent vñnfern Vorfharen am Reich Römischen Khayfern vñnd Khönigen, vñnd am Jungsten obgenantem Irem Vatter Marggrafe Cristoffen von weilunt dem Allerdurchleuchtigsten Khayser Maximilian vnserm lieben Herrn vñnd Anhern loblicher Gedechtnufs verlichen, vñnd so vill, vñnd wie die inn den Verträgen vnder inen aufgericht, Ir Jedem zugestellt sind, vñnd so vill der vñnd was daran von vnns vñnd dem heyligen Reiche zu Lehen rürent, zu Lechen zu uerleichen gnediglich geruchten. Des haben wir angesehen der vorgenan-